

○按ズルニ、公卿補任保安三年ノ條ニ、權大納言正二位源顯通、正月廿三日任トアリ、是ニ由リテ之ヲ觀レバ、明雲ハ原ト源氏ナリ、

〔法然上人行狀畫圖 三十三〕安樂死刑におよびてのちも、逆鱗なほやまずして、かさねて弟子のごがを師匠○法然におよぼされ度縁をめし、俗名をくだされて、遠流の科にさだめらる。藤井の元彦云々、

〔續日本紀二十九稱德〕神護景雲三年五月壬辰詔曰、不破内親王者、先朝有勅削親王名而積惡不止、重爲不敬、論其所犯、罪合入虜、但緣有所思、特宥其罪、仍賜厨眞人厨女姓名、莫令在京中、

〔廿二史劄記十九〕改惡人姓名

惡其人而改其姓名、蓋本於左傳所云、櫛鬻饗、渾沌窮奇之類、然此但加以惡稱、非易其氏名、且非朝制也、其改爲惡姓惡名者、王莽以單于囊知牙斯不順命、改匈奴單于爲降奴單于、此已開其端、後漢桓帝誅梁冀、惡梁姓、時鄧后猶冒梁姓、乃改后姓爲薄、此改姓也、吳孫皓殺何定、以其惡似張布、乃改定名爲布、此改名也、孫峻孫琳專權肆惡伏誅、吳主孫休削其宗室屬籍、但稱故峻故琳、此別是一法、晉成帝時、南頓王司馬宗有罪、誅貶其族爲馬氏、宋竟陵王劉誕反、伏誅、孝武帝改其姓爲留氏、留與劉同音也、又改晉熙王母謝氏爲射氏、齊明帝殺魚腹侯子響、改其姓爲蝟氏、蝟與蕭同音也、梁武帝弟子正德奔魏、尋又亡歸、帝改其姓爲背氏、豫章王綜奔魏、帝惡其悖逆、改其子直爲悖氏、武陵王紀起兵被誅、元帝改其姓爲饗饗氏、隋楊元感反、伏誅、煬帝改其姓爲梟氏、唐高宗王皇后蕭良娣爲武后所殺、武后改王皇后姓爲蟒氏、蕭良娣姓爲梟氏、武后又殺其姪武惟良、武懷運、皆改姓、蝮氏、革命後、琅琊王冲、越王貞起兵、復唐事、敗被殺、皆改姓、虺氏、連坐之、韓王元嘉、魯王靈夔、范陽王勗、黃公譔、東莞公融、常樂公主亦改爲虺氏、契丹首領李盡忠及孫萬榮反、后遣兵討之、改李盡忠爲李盡滅、孫萬榮爲孫萬斬、突厥默啜入寇、改其名曰斬啜、又骨咄祿入寇、改其名曰不卒祿、中宗時、成王千里欲誅武三思、黨宗楚客等不克被誅、改姓蝮氏、元宗初、